



GEMEINDE/VISCHNAUNCA
DISENTIS/MUSTÉR

Cussegli da vischnaunca
47.1-2013/2016

Ual Val Acletta

Via Acletta

Projects

**credit per rempar e per
la correctura dalla via**

M E S S A D I

dalla suprastanza communalia al cussegli da vischnaunca

Cun sustener quels projects savein nus demussar nossa fidonza egl avegnir e ch'ei cunvegn da viver e habitar en nossa biala cuntrada. Che nus havein in avegnir e bunas perspectivas muossa era ch'investurs d'ordeifer creien en nossa regiun ed ein promts d'investar tier nus.

Lein contribuir nossa part leutier!

Prezai signur president
Preziadas signuras cusseglieras
Prezai signurs cussegliers

Sco gia menziunau el messadi nr. 37-2013/2016 al cussegli da vischerna ha la cumissiun cantunala da prighel stuiu surluvrar ils plans da prighel dalla vischerna da Mustér. Quella revisiun sebasa sin novas prescripcziuns dalla confederaziun. Sin fundament dallas grondas malauras dalla stad 2005 en Svizra, el Grischun cunzun a Claustra ed en Purtenza, han las zonas da prighel stuiu vegnir giudicadas da niev, quei cun risguardar supplementarmein la situaziun da prighel entras auas e bovas. La cumissiun cantunala da prighel ha sper ils prighels da neiv e lavinas era giudicau la situaziun da prighel entras inundaziuns per liung da flums ed uals en nossas vals. En nossa vischerna ha quei giu per consequenza, che grondas surfatschas dalla zona da baghegiar per liung dils uals pertuccai ein vegnidas attribuidas da niev alla zona da prighel 2 (zona blaua) ni schizun alla zona da prighel 1 (zona cotschna). Quellas midadas han per differentas parcellas grondas consequenzas, cunzun per liung digl Ual d'Acletta. Ils models da calculaziun ed examinaziun per giudicar ils prighels prevedan gronds moviments da material ord il letg digl Ual d'Acletta che san sederasar naven da Pardi entochen a Raveras sur las rivas digl ual. La construcziun da rempars ella Val Acletta sco era la sanaziun da stabilliments existents per liung digl Ual d'Acletta denter Funs e Sax Su ein urgentas e necessarias. Il stan actual digl uor a Sontga Catrina pretendia remeduras. Aschinavon ch'il cussegli da vischerna ed il pievel concedan il credit, sa vegnir entschiet cun las lavurs da construcziun el decuors dalla primavera 2017.

Sin fundament da quels fatgs ha la suprastanza communalha schau elaborar il biro specialisau Eichenberger Revital SA in studi per la construcziun d'in rempar cugl intent da reducir las zonas da prighel el contuorn digl Ual d'Acletta. Il biro Eichenberger ha intercuretg e valetau quater variantas da maniera concepziunalha. Sin fundament da quellas variantas ed a basa dil discours cugl uffeci d'uaul e prighels dalla natira ei vegniu sviluppau la varianta ch'ademplescha concepziunalmein las pretensiuns davart dils organs che giudicheschan las zonas da prighel. Consequentamein duessen las zonas da prighel stadas definidas entras la cumissiun da prighel saver vegnir sligiadas resp. la situaziun da prighel per liung digl Ual d'Acletta vegnir mitigada. La varianta sorta dil rapport dils 22 da december 2015. A basa da quei rapport ha il cussegli da vischerna concediu ils 29 da schaner 2016 in credit da planisaziun da frs. 160'000.-- per projectar in'ustonza ella Val Acletta e per sanar igl uor.

Ulteriurs projects a Sontga Catrina ed al Crest d'Acletta

Il contuorn della Val Acletta, Crest Acletta e Sax sviluppescha in'activitat remarcable. En connex cun la procedura d'approbaziun pil plan general d'avertura – el rom dalla revisiun parziala dalla planisaziun locala -, il plan d'areal e la procedura da baghegiar pil Catrina Resort ein sedadas novas damondas che pertuccan zuar buca directamein la vischerna sco patruna da construcziun, che stattan denton directamein en connex cul project pigl Ual Val Acletta.

Aschia han las Pendicularas incaricau in biro d'inschignier da planisar a basa dil plan da quartier Vitget Crestas al Crest d'Acletta l'avertura dil quartier. La procedura da baghegiar ei vegnida instradada ils 15 da fenadur 2016 cun l'exposiziun publica. L'avertura ei previda quest atun.

Sut la resalva dall'approbaziun dalla revisiun parziala dalla planisaziun locala e dall'approbaziun dil plan d'areal Catrina, ei la procedura per la lubientscha da baghegiar pil Catrina Resort vegnida instradada ils 8 d'avrel 2016 cun l'exposiziun publica. En connex cul Catrina Resort sedattan ord las colligaziuns cun la Via Acletta pretensiuns da segirtad davart digl uffeci cantunal da construcziun bassa e dalla polizia da traffic. Risguardond quels fatgs ha igl investur Marcus Weber suttamess la proposta da curreger la storta dalla Via Acletta a Sontga Catrina. Cun trer a grad la via vegn la situaziun da segirtad per las sbuccadas dil resort currigida e las distanzas da vesta pretendidas per la segirtad da traffic observadas.

Igl uffeci cantunal da construcziun bassa ha saviu s'accordar cun ina correctura dalla via. Consequentamein ha la vischerna en collaboraziun cugl investur dau l'incarica al biro

d'inschignier Fanzun da projectar la correctura dalla via. Per facilitar la coordinaziun denter ils projectaders ei l'incarica vegnida surdada al biro Fanzun che projectescha il Catrina Resort (il biro Eichenberger planisescha buca vias e punts). A Sontga Catrina eis ei necessari da sligar ils conflicts che sedattan denter il project encunter aua gronda dalla Val Acletta, il Catrina Resort e la correctura dalla Via Acletta.


Cunquei ch'igl Ual d'Acletta vegn slargaus per pli ch'il dubel, eis ei necessari da construir punts novas e piogns independentamein dils differents interess che regian a Sontga Catrina. Las punts ston denton tener quen al profil (caliber) digl ual e da l'autra vart possibiliter in access segir al traffic motorisau ed al traffic plaun denter la staziun da val dallas Pendicularas e dalla via d'ina vart e da l'autra vart dil resort ed igl access tiel territori da skis.

Cun la realisaziun dil project dalla Val Acletta semuossa la necessitat da nezegiar sinergias en connex cun la realisaziun della correctura dalla Via Acletta.

1 Project da rempar encunter auas grondas Val Acletta

1.1 Situaziun da prighel

Suenter las malauras digl onn 2005 ei vegniu pretendiu davart dalla publicitat mesiras planisatorias concernent la situaziun da prighel en connex cun auas e bovas. Entochen lu vegnevan plans applicai pli u meins mo per prighels da neiv e lavinas. Il cantun Grischun ha gia sin fundament dallas malauras digl onn 2002 instradau las mesiras necessarias per relaschar era sil sectur dad auas e bovas zonas da prighel. La cumissiun da prighel dil cantun Grischun (AWN) ha giudicau cun novs models da simulaziun, che sebasan sin experientschas ed observaziuns fatgas ils davos onns cun malauras e lavinas en l'entira Svizra, da niev las zonas da prighel. Per las autoritads han las zonas da prighel novas vigur legala dapi il mars 2013. Cun la proxima revisiun totala dalla planisaziun locala ston las midadas e consequenzas tenor conclus dalla Regenza dils 6 da fenadur 2016 vegnir risguardadas els plans da zonas.



Zona da prighels per liung dalla Val Acletta e dalla Val Clavaniev

1.2 Situaziun dils rempars existents

Las ustonzas per liung digl Ual d'Acletta ein buca sufficientas e corrispundan buca allas pretensiuns che sedattan entras il giudicament dalla cumissiun da prighel. Plinavon ei igl uor sin l'altezia dalla staziun da val a Sontga Catrina en in schliet stan. En quei liug eis ei necessari da sanar da rudien igl uor existent e da slargar il vau dil flum. Ils mirs da segirtad ein lavai suto, aschia ch'ils fundaments ein libers e l'aua fuola via davos la construcciun. Naven da Sontga Catrina entochen a Funs (punt dil stradun principal) sto igl uor vegnir sanaus dalla vart da Funs e Sontga Catrina, tonpli che l'aua digl ual penetrescha avon la via cantunala sutterranmein en curtins privats.



Donns vid ils fundaments dils mirs a Sontga Catrina




Refatga provisoria dils
donns

Donns vid il letg digl ual (Flusssohle)

1.3 Giudicament dalla resca

A vesta dalla situaziun da prighel eis ei indicau da repeter cheu las formulaziuns en connex cul giudicament da resca. La carta da prighels muossa per liung dalla Val Acletta pliras zonas cun grond prighel. Pli engiu sesanflan lu aunc las parts cun in prighel pign. La carta da prighel differenziescha in prighel minim ella zona melna. Quella zona ei denton buca relevanta per la planisaziun locala. Tenor igl extract da siu rapport rapportescha la cumissiun da prighel sco suonda davart il prighel dalla Val Acletta:

Oberhalb der Talstation der Bergbahnen Disentis werden Murgänge mit starken Intensitäten und hohen Wahrscheinlichkeiten erwartet. Die Gefahrenkommission erwartet, dass sich Murgänge aus der Acletta weiter oben, zwischen Pardi (ca. 1470 m ü. M.) und Sax Su, ablagern. Unterhalb dieser Ablagerungen werden bei häufigen bis seltenen Ereignissen murgangähnliche Hochwasser erwartet. Nur in seltenen Fällen wird erwartet, dass Murgänge sich im Gebiet von Crap Gries und Sax Su ablagern werden. Daher ist unter einer Höhe von rund 1225 m ü. M. mit weniger intensiven, flüssigeren und weniger ausbreitenden Ausbrüchen zu rechnen.



Zona da prighel el contuorn da Funs, Sontga Catrina e Sax Su tenor decisiun dalla cumissiun da prighel

La carta da prighel provisoria sco quei che quella vegn giudicada suenter las investiziuns sesanfla sin pagina 17 da quei messadi.

Gemäss dem technischen Bericht zur Gefahrenkarte werden auf dem Kegel der Acletta unterschiedliche Gefahrenprozesse erwartet. Diese sind abhängig von der Jährlichkeit des Ereignisses.

Jährlichkeit	Oberer Kegel oberhalb Kantonsstrasse	Unterer Kegel unterhalb Kantonsstrasse
Häufiges Ereignis HQ ₃₀	lokale Seitenerosionen	kleinräumige Ablagerungen im Ge- rinne (ohne Ausbruch)
Seltenes Ereignis HQ ₁₀₀	Murgangablagerungen mit mittle- ren und hohen Intensitäten	Geschiebeablagerungen im Ge- rinne und Ausbruch
Sehr seltenes Ereignis HQ ₃₀₀	Murgangablagerungen mit mittle- ren und hohen Intensitäten	Geschiebeablagerungen im Ge- rinne und Ausbruch

HQ₃₀ = Dreissigjähriges, HQ₁₀₀ = Hundertjähriges, HQ₃₀₀ = Dreihundertjähriges Ereignis


Ella part sura digl iral dalla Val Acletta sesanflan plirs loghens cun memia pauca segirtad. Sin l'entira lunghezia sa ei capitar ch'il material s'empleina, aschia ch'il flum sa rumper ora. Cunzun tier eveniments regulars sa ei capitar ch'il flum sa rumper ora parzialmein. Tier singuls eveniments eis ei pusseivel ch'igl ual rumpa ord il letg dil flum. Cheutras sa il material s'emplenir els loghens pli planivs sco sur la staziun da val dalla pendiculara, quei che sa tenor situaziun era capitar denter Sontga Catrina e la punt dil stradun cantunal a Funs. Quei fatg ei per exemplu semussaus igl onn 2011, nua che gest quella part digl ual ei vegnida emplenida cun material. Ina resca supplementara mutta il cumportament dalla Val Uors/Val Magriel che sbucca a Pardi egl Ual d'Acletta. Il cumportament da quei ual ei savens incalculabels ed ha ils davos 16 onns adina puspei procurau per surprises. Cunquei ch'igl ei ord vesta dil dretg buca pusseivel da sanar la Val Magriel, sto igl Ual d'Acletta laguoter aua e material che derivan da Magriel.



La Val Magriel a Pardi



Il dargun d'Acletta ei structuraus differentamein tenor la topografia e vegn cheutras classificaus tenor tschancuns da mecanissem defini.




1.4 Carateristica e historia dalla Val Acletta

La Val Acletta rimna l'aua sur ina surfatascha da rodund 10 km^2 , quei che munta ad ina surfatscha da ca. 11% dall'entira vischerna da Mustér. En cass d'ina dracca serimna quell'aua fetg spert el funs dalla val. Egl intschess d'afflussiun dalla Val Acletta sesanflan negins glatschers. Il grond quantum d'aua da neiv influenescha la situaziun digl ual.

Davart eveniments ord la historia ei relativamein pauc enconuschen. Il biro specialisau che ha sviluppau ensemes cun la cumissiun da prighel las zonas da prighel ha saviu eruir eveniments excepziunals pils onns 1834, 1869, 1954, 1970, 1987, 1991, 2002, 2005, 2007 e 2011. Davart dil decuors da quellas malauras ei denton mo pauc enconuschen. Tenor la carta da prighel eis ei denton en connex cun quels eveniments mai vegniu documentau pli gronds donns giudem la Val Acletta.

- Glera ei vegnida magasinada a Pardi sin fundament da bovas ord la Val Magriel.
- Perencunter enconuschan ins las erosions dallas plauncas (bovas) en Davos (sut Crest dil Peter) e Sax Su dalla vart seniastra dalla Val Acletta sco era a Rieven sut il viaduct dalla viafier MGB da vart da dretga.



Bova ad En Davos (Acletta Petschna)

1.5 Situaziun hidrogeologica

Mo ca. 11% dalla surfatscha d'afflussiun dalla Val Acletta ei cuvretga cun uaui. Circa 60% dil territori secumpona da pastiras e gondas che cunfineschan cun la greppa. Sin fundament digl atlas hidrologic dalla Svizra (HADES) ston ins quintar cun suandontas draccas concentradas (Punktregen):

<i>Intensitat dalla plievgia</i>	<i>Periodas repetiziun da 33 onns</i>	<i>Periodas repetiziun da 100 onns</i>
1 h	24 – 26 mm	70 – 75 mm
24 h	70 – 75 mm	160 – 170 mm

Draccas extremas tenor tabla da HADES 2.4²

Dependent dils scenaris a basa dallas calculaziuns en connex cun l'elaboraziun dalla carta da prighel ein ins partius da suandonts eveniments:

	<i>aua</i>	<i>bova</i>
- Eveniments regulars (HQ_{30})	15 – 17 m^3/s	400 – 600 m^3/s
- Eveniments singulars (HQ_{100})	24 – 26 m^3/s	6'000 – 9'000 m^3/s
- Eveniments rars (HQ_{300})	35 – 38 m^3/s	15'000 – 26'000 m^3/s

El cass d'eveniments regulars eis ei da quintar cun pauca glera. En cumbinaziun cun bovas sto vegnir quintau cun considerabels quantum d'aua e glera. Ils detagls leutier sortan ord il rapport digl inschignier.

1.6 Project a basa dalla megliera variantia

Il project da schurmetg encunter malauras Val Acletta ei vegnius partius en quater parts:

- Object 1: indrez per retener la glera
- Object 2: 2 rempars da deviaziun sur la staziun da val dallas Pendicularas
- Object 3: renovaziun dils rempars sin l'altezia dalla staziun da val ed avertura per la staziun
- Object 4: mesiras constructivas sut la staziun da val

Object 1

Igl indrez per retener la glera a Sax Su secumpona d'in canal per dosar l'aua, in rempar da retenida resp. per dosar l'aua gronda cun spazi per retener la glera. Cun quei object duei la glera d'eveniments singulars vegnir retenida. Auas grondas e bovas regularas duein saver percuorer igl ual entochen el Rein Anterior.

Object 2


Sut il stabiliment per retener l'aua gronda protegia sin la vart dretga digl ual in rempar da deviaziun il terren che schai sut igl ual d'inundaziuns entras aua ni bovas. Dalla vart senistra, sur la staziun da val dallas Pendicularas, protegia in ulteriur rempar da deviaziun la staziun.

Object 3

Sil tschancun dalla staziun a val vegn il mir da vart dretga spazzaus. En quei liug vegn il letg digl ual (Flusssohle) slargaus sin ina ladezia da ca. 8.50 m. Sin la vart senistra vegn il mir existent alzaus per ca. 0.50 m.

Object 4

Sil tschancun dil territori surbaghegiau naven dalla staziun da val entochen alla punt dil stradun dalla Via Alpu vegn il rempar da deviaziun dalla vart senistra (encunter Sontga Catrina e Funs) alzaus. Cheu vegn construiu in rempar da protecziun encunter aua gronda.



Il rempar cun in volumen da rodund $9'000 \text{ m}^3$ po retener eveniments da 100 onns (HQ_{100}). Il rempar meglierescha denton era la situaziun per eveniments da 300 onns (HQ_{300}), quei cunzun ella part sut dil vau.

1.7 Rempar da retensiun e per dosar

Cul rempar ella Val Acletta vul ins retener bovas che survargan la dimensiu d'ina dracca da 30 onns. Consequentamein sto il rempar vegnir svidaus suenter in'emplenida, quei che pretenda in access per camiuns. En l'emprema fasa ha il projectader previu ina pista d'access cun ina pendenza media da ca. 12%. La suprastanza communalia ei denton dil meini che sigl emprem tschancun duei igl access succeder sur la Via Luzzas. Quei ha per consequenza che la pendenza digl access naven dalla Via Luzzas s'augmenta per part sin 17.5%. Ord vesta dalla suprastanza communalia ei quella pendenza responsabla. Il planisader vegn tier la conclusiun ch'igl access seigi pusseivels mo cun vehichels cun traciun da tuttas rodas. Igl access denter la Via Luzzas el rempar da retensiun survescha igl unviern sco untgida per la pista dalla Val Acletta.

Igl inschignier tracta la damonda davart il manteniment dil rempar da retensiun ed ils rempars da deviazion en in rapport separau (mira annexa 6 tiel rapport tecnic). Sin pagina 11 da quell'annexa menziunescha el explicit il concept en seracass.

1.8 Finamira dil project

Entras la realisaziun dil project vul ins contonscher per zonas habitadas e da mistregn el cass d'eveniments regulars e singuls egl interval dad 1 entochen 100 onns in schurmetg cumplein. Medemamein duein ils objects da schurmetg procurar per ina buna protecziun el cass d'eveniments cun intensitads mediocras e fermas singularas (perioda da serepeter da 100 – 300 onns).

Per possibilitar in schurmetg cumplein ein previ mesiras da segirtad grondas avunda, savens en fuorma d'ina surfatscha en cass d'inundaziun. El cass d'in schurmetg limitau vegnan era las mesiras da segirtad reducidas.

Per vias cantunalas duei el cass d'eveniments regulars (perioda da serepeter 1 – 30 onns) exister in schurmetg cumplein. Las vias duein era esser schurmegiadas el cass d'eveniments cun intenistads mesaunas e fermas a caschun d'eveniments singulars (perioda da serepeter da 30 – 100 onns). Plinavon duein ils rempars era procurar pil schurmetg necessari el cass d'eveniments fetg rars (perioda da serepeter da 100 – 300 onns).

1.9 Dimensiun ed incarica publica

Sura indicaziuns che han surviu sco basa per calcular las auas grondas e fixar la carta da prighel han era contribuiu sco basa per dimensiunar ils implonts da proteczion cun rempars ed uors. Che la natira ei incalculabla demuossan ils eveniments dils onns vargai. La societad inculpescha fetg spert ils responsabels el cass ch'igl ei en situaziuns da prighel calculablas buca vegniu priu las mesiras da segirtad necessarias. El cass actual pon ins bein discuorer da mesiras surproporzionadas. El cass d'in eveniment disgraziau vegness la societad denton ad haver negina capientscha, sche las autoritads havessen tralaschau da realisar las mesiras necessarias. Cul project vul la suprastanza communalia evitar ina disgrazia cun prevegnir al donn en fuorma dallas investiziuns previdas.

La construcziun ed il manteniment da rempars ed ustonzas ei in'incarica publica. Ord quei motiv ha la vischnaunca cun sustegn da cantun e confederaziun revitalisau igl Ual d'Acletta naven dil viaduct MGB entochen a Raveras. Il project actual preveda in niev rempar ella Val d'Acletta, la sanaziun e completaziun dils rempars da deviaziun sil tschancun entochen la staziun da val a Sontga Catrina, la sanaziun urgenta ed adattaziun dils rempars sin l'altezia dalla staziun da val dallas Pendicularas e la sanaziun digl uor naven da Sontga Catrina entochen Funs. Sil tschancun denter Funs ed il viaduct MGB ei la situaziun actualmein buca urgenta, aschia ch'igl ei previu leu neginas mesiras.

2 Via Acletta

2.1 Pertgei ina correctura dalla via

Enconuschentamein preveda il project pil Catrina Resort treis colligaziuns cun la Via Acletta. Numnadamein la colligiziun el sid/ost sco access tier la stizun nova. Allura igl access tier la garasca sutterran cun 148 parcadis sut l'actuala Bargia (anteriura Treglia) ed in tierz access el contuorn dalla pista actuala. In quart access resta pils parcadis el liber previ sur il resort a Sax.

Cunzun la sbuccada dalla garasca sutterrana ella Via Acletta corrispunda buca allas pretensiuns dalla segirtad da traffic. La vesta ensiviars ei memia cuorta e munta in prighel pils automobilists. Perquei renvieschan la polizia stradala (polizia cantunala) ed igl uffeci da construcziun bassa la lubientscha per quella sbuccada. Per buca impedir la procedura d'approbaziun pil resort ha igl uffeci da construcziun bassa sistiu la procedura d'approbaziun concernent las sbuccadas tier la Via Acletta. Aschinavon che la correctura dalla via sa vegnir realisada ei ina lubientscha per la sbuccada ella Via Acletta pusseivla. Ina reducziun dalla spertadad da oz 80 km/hh sin 50 km/h vegn a meglierar la situaziun da traffic. Actualmein renviescha la polizia stradala in reducziun dalla spertadad. En connex cun la realisaziun dil Catrina Resort vegnan ils criteris per ina reducziun ad esser adempli.


Il plan d'avertura pigl areal Catrina preveda la construcziun d'in passapei entochen sisum la parcella 1329 per meglierar la situaziun dils pedunzs el contuorn dils parcadis sco era ina migliur dallas fermadas dil bus local. Cheu eis ei necessari da menziunar ch'il project surluvau per la correctura dalla via ch'ei vegnius svilupaus suenter l'approbaziun dil plan d'areal preveda

empau in'autra sligiaziun pil passapei. Il passapei vegness en quei cass construius da maun dretg – denter la Via Acletta ed igl Ual d'Acletta – e possibilitass cheutras ina colligaziun directa cun la Via Luzzas che survescha era sco senda. Tenor lescha da vias cantunala ei la construcziun da passapeis enteifer il vitg (*innerortsbereich*) in'incarica dalla vischnaunca. Tenor posizion dil cau digl uffeci da construcziun bassa a caschun dalla seduta dils 31 d'uost 2016 a Cuera paga il cantun neginas contribuziuns vid passapeis independentamein, sch'ei retracta da passapeis enteifer ni ordeifer il spazi colonisau, quei fatg corrispunda era alla lescha da vias cantunala revidida cul detraschament dallas incarcias denter vischnauncas e cantun concernent vias e passapeis denter cantun e vischnaunca. Ils 2 da settember 2016 scriva igl uffeci d'energia dil cantun Grischun – uffeci responsabel pil traffic public – sco suonda agl uffeci da construcziun bassa (*die Haltestellen weisen im Winter jeweils hohe Frequenzen aus, mit der geplanten Strassenkorrektion wird die heutige Situation stark verbessert*). Contribuziuns conceda il cantun denton vid la construcziun da fermadas pil bus local. Tenor art. 33 al. 1 dall'ordinaziun da vias cantunala sa il cantun pagar vid ils cuosts da projectaziun, acquist da terren e da baghegiar da fermadas pil traffic public contribuziuns da 30%. Il project dalla via ei vegnius puttameiss agl uffeci da construcziun bassa igl uost 2016. Ils 6 d'octobre 2016 ha igl inschignier projectader retschiert la posizion digl uffeci da construcziun bassa a Glion. Il project dalla via sto aunc vegni elaboraus detagliadamein avon che quel hagi la qualitat d'in project d'exposiziun e sappi vegni puttameiss alla procedura d'approbaziun ed all'exposiziun ufficiala.

Ferton ch'ei retracta tier la realisaziun dils stabiliments pil traffic plaun – passapei e fermadas bus local – claramein d'incarcas communalas ei la Via Acletta sco via da comunicaziun cantunala in'incarica dil cantun. Cunquei che la correctura dalla via ei necessaria muort la construcziun dil resort e buca sin fundament da criteris necessaris pil manteniment resp. per motivs stradals ei quella correctura da finanziar cumpleinamein entras l'interessenza privata resp. la vischnaunca.

2.2 Project dalla via

Per la correctura dalla via ein ils cuosts da surprender cumpleinamein entras il caschunader. Il project preveda sper la correctura dalla via la construcziun d'in passapei niev e da fermadas pil bus. Il passapei sco era las fermadas corrispundan als basegns dil temps. Tenor posizion digl uffeci da construcziun bassa dils 3 d'octobre 2016 eis ei en connex cun l'elaboraziun dil project d'exposiziun dalla via da risguardar enzacontas resalvas davart dalla polizia stradala ed igl uffeci d'energia concernent la segirtad pil traffic e pils pedunzs. Sper la segirtad dils pedunzs che van enviers Acletta mitigheschan il passapei e las fermadas pil bus local era la situaziun pil traffic plaun el contuorn da Sontga Catrina. Oz tegn il bus local per part en via. Sin vias ordeifer il vitg ei quella situaziun buca cunteteivla. En cumbinaziun cun la construcziun dils rempars e la correctura dalla Via Acletta eis ei pusseivel da curreger quella situaziun e da procurar per fermadas che corrispundan allas preteniuns per la segirtad dil traffic sco era da persunas handicepadas.



3 Cuosts

La survesta dils cuosts (exactadad 10%) sepresenta sco suonda:

Project	Rempar Val Acletta	Via Acletta	Remarcas
Repar ed uors	4'679'390		
Dislocaziun via cantunala		620'000	
Passapei e fermadas bus local		260'000	
Recultivaziun contuorns via		120'000	parcadis e via
Total	4'679'390	1'000'000	cuosts bruts incl. TPV

4 Finanziaziun

4.1 Principis

Igl ei da differenziar denter la part publica resp. l'incarica dil stadi e la part privata. El cass dalla Val Acletta la vischnaunca, el cass dalla correctura dalla Via Acletta il patrun da bagheggiar privat. Lez sa grazia alla correctura dalla via realisar ils differents access per ses intets, ferton che la vischnaunca ei tenor lescha cantunala da vias obligada da finanziar e mantener ils passapeis. Il cantun paga contribuziuns vid la realisaziun dallas fermadas pil bus local, aschinavon che quellas corrispundan allas pretensiuns dalla segirtad da traffic ed allas directivas concernent persunas impeditas.

Prevedentamein sepresentava la situaziun aschia che ni confederaziun e ni cantun havessen contribuiu mieds finanzials vid la realisaziun dalla Val Aletta. Sin iniziativa dil departement da construcziun, traffic e selvicultura e cun gronda engaschi davart digl uffeci da construcziun bassa (partizun ustonzas encunter torrents) eis ei stau pusseivel d'era involvar igl uffeci federal pigl ambient. Igl uffeci federal pretenda denton in'examinaziun dil project entras in biro independent. L'examinaziun cuntegn in'analisa dils cuosts e dil gudogn dall'investiziun. A basa da quella analisa giudichescha igl uffeci federal tgei cumpart da cuosts dil project che veggis guardada per las contribuziuns.

Ils 23 d'uost ha igl uffeci da construcziun bassa confirmau ch'il project seigi vegnius inoltraus per la procedura d'approbaziun e fixau il termin per l'exposiziun e publicaziun ufficiala sils 2 da settember 2016. Ils 31 d'uost 2016 han ina delegaziun dalla vischerna en preschientscha dil cuseglier guvernativ Cavigelli e ses cauemplioi discussiunau il proceder e la pusseivladad dalla finançaziun. Igl 1. da settember 2016 ha igl uffeci da construcziun bassa suttamess il project agl uffeci federal pigl ambient per la damonda da contribuziun. Ils 20 da settember circumscriva igl uffeci federal en sia risposta las cundiziuns davart il giudicament dalla situaziun pertucont il susteniment finanzial davart la confederaziun. Ladinamein ei il biro Tur GmbH da Tavau vegnius envidaus da suttametter in'offerta per preparar l'analisa giavischada davart dalla confederaziun. L'incarica ei vegnida surdada ils 29 da settember 2016 suenter ch'ei ha giu liug in'uatga ils 27 da settember 2016 cugl uffeci da construcziun bassa cantunal ed igl uffeci federal pigl ambient.

En connex cun la finançaziun da quels projects han giu liug ulteriuras discussiuns cun la Regenza. Schegie che las cassas cantunalas ein relativamein bein emplenidas eis ei tuttina fetg grev da recaltgar contribuziuns corrispondentes. Bein ei il cantun promts da far cundiziuns tenor tgei criteris che las fatschentas ein da suttametter al suveran per decisiun, denton maunca cheu la promtadad da presentar las garanzias necessarias davart il cantun.

Igl investur Marcus Weber ha confirmau che las Pendicularas Mustér mettan il terren necessari per il project dil rempar Ual Aletta gratuitamein a disposiziun. Plinavon eis el promts da pagar ina contribuziun da 20% dils cuosts netto, denton maximalmein 1 milliun francs al rempar sco era alla correctura dalla via cantunala (senza passapei e fermadas dil bus local). Quella contribuziun succeda ord interess direct dallas investiziuns. Vid ils cuosts da 2'612'390.-- corrispunda ina contribuziun da 20% a frs. 522'480.--

Il cantun ha mess en mira ina contribuziun "infrastructura relevanta per il sistem" dad 1 milliun francs per il Catrina Resort. Quei pretenda denton ina complezaziun dall'ordinaziun entras la Regenza. Tenor cuseglier guvernativ J. D. Parolini veggia quella fatschenta suttamessa alla Regenza ella seduta dils 25 d'octobre 2016. Silsuenter sa ina damonda per ina contribuziun vegnir suttamessa. Il pagament ord interessenza turistica va directamein alla Catrina Resort SA. Igl investur Marcus Weber ei sedeclarau promts da metter il milliun francs a disposiziun per il project. Supplementamein surpren el la garanzia persunala per quella summa. Cheutras savein nus gia integrar igl importo da frs. 1'000'000.-- ella survesta finanziala.

Cun ina e-mail dils 21 d'octobre 2016 metta igl uffeci da construcziun bassa dil Grischun (partizun ustonzas encunter torrents) en mira contribuziuns federalas e cantunalas al project dil rempar. En connex culs resultats dalla quintaziun entras il biro tur GmbH (*EconoMe-Rechnung*) veggan 73% dils cuosts totals da frs. 4'500'000.--, quei vul dir frs. 3'285'000.-- renconuschi sco basa per subvenziuns federalas e cantunalas. La contribuziun federala munta cheutras a frs. 1'150'000.-- (35%) e la contribuziun cantunala a frs. 657'000.-- (20%) dils cuosts renconuschi. Totalmein ein frs. 1'807'000.-- contribuziuns federalas e cantunalas messas en mira. Quella summa ei marcantamein pli alta che calculau antruras. Il departement veggia a suttametter la fatschenta alla Regenza per decisiun.

Cun il rempar veggan era duas vias cantunalas (Via Alpsu e Via Aletta) schurmegiadas. Igl uffeci cantunal da construcziun bassa sclarescha internamein, schebein l'interessenza dallas vias cantunalas ha per consequenza ina contribuziun cantunala supplementara. Ei quei il cass, savein nus quintar cun ina contribuziun cantunala denter 5 e 10%. Quella decisiun veggia

medemamein prida entras la Regenza. Cunquei che quella summa ei buca garantida, vegn ella buca risguardada ella calculaziun.

4.2 Repartiziun dils cuosts e contribuziuns

Risguardond ils differents interess en vischnaunca ei ina delegaziun dalla suprastanza communal s'entupada cugl investur Marcus Weber per sediscuorer cun el davant la repartiziun dils cuosts che sedattan sin fundament dallas calculaziuns digl inschignier, risguardond las incaricas adossadas alla vischnaunca tenor dretg sco era las obligaziuns che sedattan sin fundament dall'interessenza privata entras la correctura dalla Via Acletta.

Survesta dils cuosts Val Acletta e Via Acletta:

Project	Cuosts	Contribuziuns Pendicularas e Catrina Resort	Contribuziuns cantun e confederaziun	Cumpart Vischnaunca
Total	5'679'390	1'522'480	1'843'000	2'313'910
Val Acletta	4'679'390	782'480	1'807'000	2'089'910
Via Acletta	620'000	620'000	0	0
Passapei	140'000	0	0	140'000
Fermadas bus local	120'000	0	36'000	84'000
Recultivaziun contuorns via	120'000	120'000	0	0

La suprastanza communal ha approbau il project per la Val Acletta ella seduta dils 25 da fenadur 2016 p.m. dalla purificaziun finala entras igl inschignier. Il project cun la damonda da contribuziun al cantun ein vegnius inoltraus miez uost 2016. A vesta che pliras instituziuns han da decider davant ina damonda, ein quellas vegnidias suttamessas als differents uffecis per la consultaziun interna.

Cun la planisaziun digl uor Val Acletta ei semussau ch'ina correctura dalla via cantunala ei indicada e porta numerus avantatgs ton per ils pedunzs, hospes, bus local ed autos. Ord quei motiv succeda la correctura dalla via cantunala d'Acletta en cumbinaziun cul project Val Acletta. Ton la construcziun dil passapei sco era dallas fermadas pil bus local ein incaricas communalas.

Sper ils cuosts dalla correctura dalla Via Acletta separticipeschan las Pendicularas Mustér ed il Catrina Resort cun frs. 782'480.-- vid il project Ual Val Acletta. Cheutras vegn l'interessenza privata vid il project risguardada e semova en ina grondezia responsabla.

Cun risguardar las contribuziuns entras igl investur Marcus Weber (frs. 1'522'480--) e las contribuziuns federalas (frs. 1'150'000--) e cantunalas (frs. 657'000--) sereducescha la cumpart communal sin rodund 2.3 milliuns francs.

Tenor il plan da finanzas ei quella investiziun finanziabla e responsabla. Igl ei reüssiu da contonscher ina finanziaziun optimala. Cheutras sa il Catrina Resort vegnir construius sco planisaus. La cumpart communal corrispunda a maximalmein 3.8% dalla summa da 60 milliuns francs pil Catrina Resort (cumpart Reka rodund 7% dall'investiziun). Tier ina decisiun negativa croda la cumpart digl investur Marcus Weber da biebein 1.5 milliuns francs.

4.3 Investiziuns Pendicularas Mustér / Catrina Resort / Crest Acletta / vischnaunca e Corporaziun d'aua Spina da Vin

Il cussegli da vischnaunca ei vegnius informaus da Marcus Weber persunalmein sur dallas grondas investiziuns ch'el sco niev possessur dallas Pendicularas Mustér (BD) ha previu 2016 entochen 2018. Quellas investiziuns aulzan la vischnaunca da Mustér e la regiun en in'autra posiziun turistica e dattan slontsch per ulteriuras investiziuns privatas e publicas.

Rodund 40 novas pazzas da lavour veggan creadas. Las rodund 20 - 25 pazzas stablas - quei entrais il menaschi d'unviern e da stad dil resort planisau - porschan era a nossa populaziun la pusseivladad d'anflar lavour ella regiun. Las sinergias che seresultan per differents secturs dil commerci sco era per auters investurs (p.ex. casas da persunal, frequenzas CSC) ein fetg grondas.


El rom dalla tractazion dil preventiv 2017 vegg la suprastanza communal a suttametter al cussegli da vischerna las damondas da credit en connex cun la completaziun della canalisaziun. Quellas ein planisadas e previdas el plan d'investiziun, muort la realisaziun dil resort veggan quellas denton anticipadas.

Quels projects ein integrai el plan d'investiziun 2017 – 2021. La realisaziun dil Catrina Resort augmenta la prioritad da quels projects ed en quei connex era la realisaziun da quels. Sper la vischerna ei era la Corporaziun d'aua Spina da vin involvada cun investiziuns concernent il provediment.

Las Pendicularas Mustér realiseschan el decuors digl atun 2016 l'avertura dil Crest d'Acletta. Quei quartier possibilitescha la construcziun da pliras casas tenor las resalvas dalla lescha federala davart habitaziuns secundaras. Las Pendicularas han planisau d'ereger sias casas da persunal all'entschatta dil quartier.

4. 4 Avantatgs dallas investiziuns previdas

Sin pagina 5 dil messadi secatta la carta da prigel valeivla tenor las determinaziuns dalla cumissiun da prigel. En cumparegliaziun cun quella muossa la proxima carta da prigel provisoria - a basa dil project suenter la realisaziun - las grondas reducziuns dallas differentas surfatschas dalla zona da prigel 2 (zona da prigel blaua). Entras las mesiras planisadas crodan grondas surfatschas cumpleinamein ord la zona da prigel blaua.



Pil Catrina Resort planisau porta quei gl'avantatg che mesiras da schurmetg vid igl object sez, sco mirs da betun senza finiastras enviers la Val Acletta, ston buca vegin realisadas.

Gl'alzament digl entir object per rodund 1.5 - 2.0 m influenzass negativamein il maletg dalla cuntrada. Igl object ei gia ussa en ina dimensiun gronda e quella vegness aunc inagada alzada per rodund 10% - 15%. Ils avantatgs d'in nivo senza impediments entraas differenzas d'altezia caschunadas dallas mesiras da schurmetg (pils skiunzs) ein per tuts plausibels.

Il resort spargnass naturalmein bia scavament entraas in nivo pli ault da 2 m. Ils cuosts per mesiras da schurmetg vid igl object sez semovan entuorn frs. 350'000.--.

Entras realisar il project sa la gronda part dil quartier da Funs desister da mesiras enteifer ina zona da prighel 2. La reducziun dalla zona cotschna cumpeglia era ils objects a Funs sco era per liung dil vau d'Acletta tochen al niev rempar planisau a Sax. La resca d'ina inundaziun per la part sut digl Ual d'Acletta Gonda – Raveras vegn minimada per ils cass HQ₁₀₀ e HQ₃₀₀.

Plinavon sa l'aveina (lingia) principala dil provediment d'aua pil vitg da Mustér vegnir segirada. Ils conducts d'aua sut ils reservuars Sax ein gia pliras gadas vegni lavai ora entraas las auas grondas. La davosa ga ei quei succediu igl onn 2011, nua che la lingia ei mo cun cletg buca vegnida scarpada dapart. Il conduct per liung digl Ual d'Acletta (reservuar Sax – Punt Resort Hotel Catrina) sesanfla sulettamein 1.5 m naven dil vau.

Ils mirs d'ustonza naven dalla staziun da val dallas Pendicularas entochen al stradun cantunal ston medemamein vegnir sanai. La sanaziun da quels mirs ei ina part integrala dil project Val Acletta.

4.5 Pertgei ina tala investiziun

En connex cul consentiment pil credit da projectazion entraas il cussegl da vischnaunca han discussiuns fatg la curella, che quell'investiziun seigi necessaria mo per las Pendicularas e la realisaziun dil Catrina Resort. Podà ch'il Catrina Resort ha evocau l'investiziun, denton ei la vischnaunca gia dapi in temps involvida cun mesiras da sanaziun sil tschancun naven dalla staziun a Sontga Catrina entochen tier la punt dil stradun dalla Via Alpu. La cumpart previda ei la davosa etappa digl uor Acletta.

Plirs fatgs han menau tier quei project, cunzun la nova zona da prighel d'aua fixada a basa dallas prescripziuns federalas. La carta da prighel ha per consequenza che differents baghetgs ein vegni integrai ella zona blaua. Consequentamein ei la situaziun da prighel per la staziun da val dallas Pendicularas, sco era da differents habitadis e da zonas da baghegiar existentes, semidada. Ils fundaments dils mirs dils rempars da deviazion sper la staziun a Sontga Catrina ein lavai suto e ston vegnir remplazzai. Ils davos onns han en quei connex gia giu liug differents discuors culs uffecis cantunals cumpetents. En cass da malauras flessegia l'aua dalla Val Acletta davos ils rempars e sin las parcelas privatas a Sontga Catrina e Funs. Ulteriuramein ha la Corporaziun d'aua Spina da Vin stuiu far investiziuns per segirar il provediment d'aua dil Vitg da Mustér e tuttas fracziuns egl ost. Las mesiras previdas tenor ils objects 2.02, 3 e 4 ein necessarias independentamein dalla zona speciala Catrina e vegnan dabien als baghetgs existents a Sontga Catrina e Funs. Quels objects caschunans cuosts calculai da:

- Object 2.02	frs. 80'005.--
- Object 3	frs. 1'499'500.-- punt + TPV
- Object 4	frs. 635'111.-- punt + TPV
- Total	frs. 2'214'616.--

Las investiziuns en la dimensiun da frs. 2'214'616.-- ein pia necessarias per proteger baghetgs existents. Cun quella summa semidass denton nuot vid la zona da prighel fixada tenor la cumissiun da prighel. Per saver sligiar las zonas da prighel pils baghetgs existents basegna ei il rempar da retensiun ei calculaus cun frs. 1'383'743.--. Denton vegn igl object 2.1 cun frs. 145'586.-- directamein dabien al Catrina Resort. Igl ei evident ch'il project dil Catrina Resort ha per consequenza che las investiziuns en connex cun la segirtad dalla Val Acletta vegnan

tratgas anavon. A vesta dil fatg ch'ina buna part da quellas investiziuns fuss baul ni tard era necessaria senza il resort, giustifichescha d'accelerar quellas lavurs.

En connex cun la realisaziun dil vitg da vacanzas Reka ha la vischnaunca pagau ina contribuziun da frs. 1'750'000.-- vid quell'investiziun. La contribuziun dalla vischnaunca ha da lezzas uras evocau in'investiziun da rodund 25 milliuns francs. Ordlunder ei seresultau in diember da 52 habitaziuns.

Sper las investiziuns da 60 milliuns francs el Catrina Resort cun 142 habitaziuns administradas turisticamein, in hostel cun 26 stanzas e 52 letgs, restauraziun e menaschis da vendita ein pervidas ulteriuras investiziuns sco descret sut cefra 4.3 da quest messadi. A vesta dallas investiziuns previdas ei l'expensa dalla vischnaunca en connex cun las mesiras da segirtad ella Val Acletta giustificada.

Sco gia menziunau sebasan las mesiras previdas sin malauras entochen ina dimensiun d'in HQ₃₀₀. Il projectader ha giu l'incarica d'intercurir la situaziun enteifer igl intsches pil project, denton spetga la suprastanza communal en cass da grondas draccas era ina migliur pil tschancun da Gonda entochen a Raveras. Ils detagls leutier stuessen denton vegnir sclari en cumbinaziun cun las auas dalla Val Acletta.

Da menziunar ei che las Pendicularas mettan a disposiziun gratuitamein il terren che vegn nezegiaus per la realisaziun dil project Val Acletta.

4.6 Etappaziun

La suprastanza communal ei perschuaizada dils dus projects denton dueien quels vegni realisai el rom da lur prioritad e necessitat.

Dalla Val Acletta ein ils objects 2.2 sur la staziun da val a Sontga Catrina, igl object 3 sper la staziun a val ed igl object 4 vegni realisai independentamein dalla realisaziun dil resort perquei che quels objects augmentan evidentamein la segirtad e da stabiliments ed avdonzas existentes. Culs objects 1 e 2.1 duei vegnir entschiet quei mument che las lavurs da construcziun en connex cul Catrina Resort han entschiet ed ein progredadas. Tonpli che quels dus objects vegnan dabien principalmein alla Via Acletta ed al resort.

La correctura dalla Via Acletta succeda primarmen en connex cun la realisaziun dil resort. Era cun quei project duei vegnir entschiet per quei mument ch'igl ei clar ch'il resort vegn realisaus.

4. 7 Ponderaziuns finalas

Il cussegl da vischnaunca ha concediu ils 29 da schaner 2016 in credit da planisaziun da frs. 160'000.-- per il rempar Ual Val Acletta. Questa primavera ei il project vegnius planisaus en detagi (exactedad da 10%). Quellas lavurs han duvrau bia temps e resursas persunalas dils planisaders sco era digl uffeci da baghegiar. Suenter ch'ils emprems resultats intermediars ein stai avon maun, ein quels vegni discussiunai culs representants dils uffecis cantunals e las organisaziuns digl ambient. Per quei intent ha giu liug ils 13 d'avrel 2016 ina seduta communabla culs uffecis e las organisaziuns pigl ambient tier igl uffeci da construcziun bassa a Cuera. Ils giavischs e las propostas ein vegnidias risguardadas per gronda part el project en detagi. Cun quei agir duein protestas e resalvas ella procedura d'approbaziun vegnir impeditas. Medemamein ein ils vischins pertuccai en connex cugl acquist da terren vegni envidai ad ina informaziun davart las consequenzas dil project sin lur proprietad. Las contractivas pils differents acquists da terren cuoran aunc e duessen esser ventschidas entochen alla votaziun dil pievel.

Il project cuntegn il rempar cun las novas punts sur igl Ual d'Acletta sco era la correctura dalla Via Acletta cun in niev passapei e novas fermadas pil bus local sin quei tschancun. Il cantun sostegn las investiziuns e promova cheutras era il turissem ella regiun. La suprastanza

communala ei dalla ferma perschuasiun ch'ei settracta d'ina investiziun cun prioritat primara. Cun quellas investiziuns vegn creau las premissas per nies avegnir turistic ch'ei ina essenziala part dad in e scadin. Ei vegn realisau letgs caulds (habitaziuns administradas, combras) e cheutras procurau per frequenzas ed aschia dau lavur ad ina gronda part da nossa populaziun. Il rempar dalla Val Acletta sto vegnir sanaus sil pli tard en entgins onns, denton senza pusseivladad da recalgar contribuziuns da tiarzas persunas.

Quei project ei indirectamein ligiaus vid nies svilup economic e turistic e perquei evidents. Las investiziuns en "nossas" pendicularas ein ina schanza unica el temps dad oz ed aulza nus en ina megliera situaziun turistica.

Lein nezegiar quella schanza per Mustér, per nus ed approbar il project e conceder il credit per mauns dalla votaziun all'urna. Cheutras dein nus in clar segn ad in bien svilup turistic per nossa vischnaunca.

Per saver cuntinuar cun las lavurs da preparaziun senza retard eis ei necessari ch'il suveran communal decidi ussa davart il project Val Acletta e la correctura dalla Via Acletta.

Concernent la lubientscha da baghegiar han entochen oz cun excepziun digl uffeci da construcziun bassa e la polizia stradala tuts uffecis priu posizion en senn affirmativ. L'approbazion dil plan d'areal entra la Regenza duess succeder proximamein, aschia che la lubientscha da baghegiar per la realisaziun dil resort ei previda proximamein.

El decuors dalla fin october 2016 vegn la suprastonza communalera a surdar l'incarica davart la coordinazion dallas lavurs d'avvertura e provediment. Cheu eis ei necessari ch'in inschignier coordineschi las lavurs da projectaziun, submissiun e survigilonza pils purtaders publics e privats.

5 Propostas

Sin fundament da sura ponderaziuns

propona

la suprastonza communal al cussegli da vischnaunca:

1. d'approbar il project dil rempar Val Acletta e dalla correctura dalla Via Acletta;
2. da conceder il credit net necessari da **frs. 2'300'000.--** per il project pil rempar Val Acletta e per la correctura dalla Via Acletta;
3. da suttametter quei conclus conform ad art. 32 lit. d dalla constituziun communalala alla votaziun dil pievel.

Suprastonza communalala Disentis/Mustér
Il president:

Francesc Jacob

Il vicecanzlist:

Romeo Schmed

Disentis/Mustér, ils 11 d' octobre 2016 (**adattau ils 24 d'octobre 2016**)

Dils documents e plans sa vegnir priu investa tier l'administraziun communalala (s'annunziar al spurtegl).